



Халқ сўзи

Ўзбекистон - келажаги буюк давлат

1991 йил 1 январдан чиқа бошлаган • WWW.XS.UZ • E-mail: Info@xs.uz • 2017 йил 9 август, № 156 (6850) Чоршанба

Сайтимиизга Ушш учун QR-коднинг телефонингиз орқали сканер қилинг.

ЎЗБЕКИСТОН ПРЕЗИДЕНТИ ОСИЁ ИНФРАТУЗИЛМА ИНВЕСТИЦИЯЛАРИ БАНКИ ПРЕЗИДЕНТИНИ ҚАБУЛ ҚИЛДИ

Ўзбекистон Республикаси Президенти Шавкат Мирзиёев 8 август куни мамлакатимизга амалий ташриф билан келган Осие инфратузилма инвестициялари банки президенти Цзинь Лицунни қабул қилди.



Давлатимиз раҳбари меҳмонни Осие китъасида замонавий ва ишончли инфратузилмани шакллантиришга қўмақлашадиган янги халқаро молия институтини бўлган ушбу банк ўз амалий фаолиятини муваффақиятли бошлагани билан самимий табриқлади.

2015 йилда ташкил этилган ва бош қароргоҳи Пекинда жойлашган Осие инфратузилма инвестициялари банки дунёнинг турли мамлакатларида 17 инвестиция лойиҳаларини молиялаштиришда фаол қатнашмоқда.

Мамлакатимиз 2016 йилнинг ноябрь ойида банкни таъсис этиш тўғрисидаги битим доирасида давлатнинг ички тартиб-таомилларини бажариш ва ушбу халқаро молия институтининг тенг ҳуқуқли аъзоси бўлди.

Учрашув чоғида Ўзбекистон Республикасида умумий қиймати 2,7 миллиард доллар бўлган истиқболли лойиҳаларни — сув ҳўжалиги объектларини модернизация қилиш, энергетика инфратузилмасини ривожлантириш, замонавий автомобиль йўллари қуриш, темир йўллари электрлаштириш ва пойтахт метрополитени тармоғини кенгайтириш ва бошқа лойиҳаларни амалга оширишга доир ўзаро манфаатли ҳамкорликни ривож-

лантириш масалалари муҳокама қилинди. Қўшма лойиҳаларни амалга оширишга хусусий инвестицияларни тўғридан-тўғри жалб қилиш механизминини яратиш бўйича ҳамкорлик имкониятлари мавжудлиги алоҳида таъкидланди. Осие инфратузилма инвестициялари банки президенти Цзинь Лицун Президентимиз Шавкат Мирзиёевга самимий қабул ва ўзаро манфаатли шериклик муносабатларини ривожлантиришни қўллаб-қувватлагани учун миннатдорлик изҳор этди. Банк Ўзбекистон билан узоқ муддатли ва кенг қўламли ҳамкорлик қилишга тайёр эканини алоҳида таъкидлади.

Ў.А.

Ёқин ШАМСИДИНОВ олган суратлар.

Цзинь ЛИЦУНЬ:

ОСИЁ ИНФРАТУЗИЛМА ИНВЕСТИЦИЯЛАРИ БАНКИ ЎЗБЕКИСТОН БИЛАН ҲАМКОРЛИККА ТАЙЁР

Бош қароргоҳи Пекинда жойлашган Осие инфратузилма инвестициялари банки бундан икки йил аввал ташкил қилинган. Турли мамлакатларда транспорт, энергетика, уй-жой қурилиши ва бошқа соҳалардаги йирик инвестиция лойиҳаларини молиялаштиришга ихтисослаштирилган банк президенти Ўзбекистонга ташрифи хусусида қуйдагиларни сўзлаб берди:

— Аввало, Президент Шавкат Мирзиёевга ўзаро манфаатли шериклик муносабатларини ривожлантиришни қўллаб-қувватлагани учун миннатдорлик изҳор этаман. Мамлакатимизда бир неча маротаба бўлганман. Мазкур банк президенти сифатида биринчи марта келдим. Биз Ўзбекистонда олиб борилаётган ислохотларни юқори баҳолаймиз. Мамлакатимизнинг ҳар томонлама ривожланиши, тараққий этган давлатлар сафига киришида Президент Шавкат Мирзиёев олиб бораётган сиёсат муҳим омил бўлмоқда.

Осие инфратузилма инвестициялари банки Ўзбекистонда амалга оширилаётган улкан бунёдкорлик ишларида ўзининг ёрдамчини аямайди. Мамлакатимизда янги инвестициявий лойиҳаларни молиялаштиришда ҳар бир жиҳатга алоҳида эътибор қаратмоқдамиз.

Қўшма лойиҳаларни молиялаштириш бўйича дастлабки қадамларни қўйди. Баъзи лойиҳа ишлари такомиллаштирилмоқда. Тошкент метрополитенининг ер ости ва ер усти қисмларида қурилиш ишлари олиб боришмоқда. Биз мазкур йирик лойиҳани молиялаштириш бўйича музокара-лар ўтказаямиз.

Бугунги учрашувда Президент Шавкат Мирзиёев Ўзбекистонда халқ давлат органларига эмас, балки давлат органлари халққа хизмат қилишини алоҳида таъкидлади. Бу мени хайратга солди. Чунки бу жуда муҳим аҳамиятга эга масала. Ҳамкорлигимизни изчил ривожлантиришда бунинг аҳамияти катта.

Ўзбекистон билан узоқ муддатли ва кенг қўламли ҳамкорлик қилишга тайёрмиз.

Ў.А. МУХБИРИ А. ҲОЗОВ ЁЗИБ ОЛДИ.

Ўзбекистон Республикаси Президентининг ҚАРОРИ

ЭРКИН ИҚТИСОДИЙ ЗОНАЛАР САМАРАЛИ ФАОЛИЯТ КўРСАТИШИ УЧУН ВАЗИРЛИКЛАР, ИДОРЛАР ВА ЖОЙЛАРДАГИ ДАВЛАТ ҲОКИМИЯТИ ОРГАНЛАРИНИ МУВОФИҚЛАШТИРИШНИ КУЧАЙТИРИШ ВА УЛАРНИНГ МАСЪУЛИЯТИНИ ОШИРИШ ЧОРА-ТАДБИРЛАРИ Тўғрисида

Мамлакатимизда эркин иқтисодий зоналарни (кейинги ўринларда — ЭИЗ) маҳаллий минерал-хом ашё ресурсларини чуқур қайта ишлаш асосида юқори қўшимча қийматга эга рақобатдош маҳсулотлар ишлаб чиқаришни таъминлайдиган замонавий корхоналар ташкил этиш, республика ҳудудларининг ишлаб чиқариш ва ресурс салоҳиятидан комплекс ва самарали фойдаланиш, шу аснода янги иш ўринлари яратиш ва аҳоли даромадини ошириш учун хорижий, аввало, тўғридан-тўғри хорижий инвестицияларни жалб қилишнинг муҳим омил сифатида ривожлантиришга алоҳида эътибор қаратишмоқда.

ЭИЗ фаолиятини тартибга солишдаги муштаҳам қонунчилик ва меъёрий база яратилди, уларни ривожлантириш учун хорижий ва маҳаллий инвестицияларни жалб этишга қўмақлашадиган кенг қўламли солиқ ва боғжона имтиёзлари ҳамда преференциялар тизими шакллантирилди. Айтилган республикамизнинг 10 минтақасида 14 ЭИЗ ташкил этилди ва фаолият юритмоқда.

Шу билан бирга, ЭИЗ фаолиятида тўпаланган тажриба уларни жадал ривожлантириш ва самарали фаолият кўрсатишга тўсқинлик қилаётган қатор муаммо-

лар ва ҳал этилмаган масалалар мавжудлигини далolat беради. Жумладан:

Биринчидан, ўрта ва узоқ муддатли истиқболда ЭИЗни ривожлантириш бора-сида уларни ташкил этиш ва фаолият кўрсатишининг аниқ мақсадларини, хусусан, иқтисодий, ижтимоий, илмий-техник ва бошқа мақсадларни белгилайдиган, шунингдек, ЭИЗни ихтисослаштириш бўйича аниқ принцип ва ёндашувлар мавжуд эмас;

Иккинчидан, хорижий компания ва фирмаларнинг республика ЭИЗ ҳудудларида ўз бизнесини юритиш учун Ўзбекистонда яратилган қўлай шароитларни кенг ёритиш ва бўлажак инвесторларни, биринчи навбатда, хорижда ушбу шароитлар билан таништириш ишлари суст амалга оширилмоқда;

Учинчидан, истиқболли лойиҳа тақлифларини шакллантириш, чуқур таҳлил қилиш ҳамда баҳолаш мақсада мувофиқлиги, асослиги ва рентабеллиги асосида ЭИЗ ҳудудиде амалга ошириш учун танлаб олиш, шунингдек, лойиҳаларни амалга оширишнинг барча циклларида сифатли ташкил этиш, мувофиқлаштириш ва мониторинг қилиш, жумладан, лойиҳаларни ишлаб чиқиш ва амалга ошириш,

объектларни ишга тушириш ва яқиний мақсадларга эришишни таъминлайдиган ягона яхлит тизим яратилмаган;

Тўртинчидан, инвестиция лойиҳалари портфелининг сифати паст, ЭИЗ ҳудудида етакчи хорижий компаниялар иштирок-ида, аввало, маҳаллий минерал-хом ашё ресурслари ва қишлоқ ҳўжалиги хом ашё-сини чуқур қайта ишлаш, шунингдек, жонхона машур брендлар остида экспорт-боғ тайёр маҳсулотлар ишлаб чиқариш бўйича юқори технологияли маҳаллийлаш-тирилган замонавий корхоналар ташкил этиш ишлари суст амалга оширилмоқда, ЭИЗ ҳудудида ташкил қилинган ҳўжалик субъектлари ўртасида саноат ва коопе-рация алоқалари етарли даражада эмас, зарур логистика тизими мавжуд эмас;

Бешинчидан, ЭИЗ иштирокчиларини рўйхатга олиш, уларга ер участкалари ажратиш, инвестиция лойиҳаларини маъ-қуллаш, корхоналарни ташки муҳандис-лик инфратузилмасига улаш, тадбиркор-ларга ишлаб чиқараётган маҳсулотини ички ва ташқи бозорларда сотишга қўмақ-лашиш жараёнлари мuddати асоссиз чўзилмоқда;

(Давоми 2-бетда).

МИЛЛИЙ КИНО САНЪАТИ РАВНАҚИДА МУҲИМ ҚАДАМ

Миллий кино санъати инсон онги ва тафаккурига, жамият ҳаётига, қолаверса, халқимизнинг, айниқса, ёшларимизнинг ички дунёси, маънавиятга кучли таъсир кўрсатувчи муҳим воситалардан бири ҳисобланади. Ёш авлодни ватанпарварлик, ота-онага ҳурмат, миллий қадриятларимизга садоқат руҳида тарбиялаш, маънавиятимизни юксалтириш ҳамда одамларнинг дунёқарашини кенгайтиришда кино санъати муҳим ўрин тутди.

ДЕПУТАТ ФИКРИ

Президентимиз яқинда Ўзбекистон ижодкор зиёлилари вакиллари билан бўлиб ўтган учрашувда ҳам миллий кино санъатида эришилган ютуқлар билан бир қаторда, соҳа ривожига салбий таъсир кўрсатаётган кўплаб омиллар борлигини алоҳида таъкидлаб

ўтди. Ушбу учрашувда миллий кино санъати ривожини белгилаб берадиган ҳужжат тайёрланаётганлиги айтиб ўтилган эди.

Давлатимиз раҳбарининг жорий йил 7 август куни имзоланган "Миллий кинематографияни янада ривожланти-

(Давоми 3-бетда).

ИСТЕЪМОЛЧИЛИК КАЙФИЯТИ ИЛДИЗ ОТИШИГА ЙЎЛ ҚЎЙИБ БЎЛМАЙДИ

Юртимизда ўсиб келаятган авлоднинг соғлом, интеллектуал салоҳиятли, замонавий дунёқараш ҳамда касб-хунарга эга бўлиб вояга етиши учун барча омил ва имкониятлар сафарбар этилиб, ёшларга оид давлат сиёсати самарадорлигини янада ошириш чора-тадбирлари кўрилмоқда.

СЕНАТОР МУШОҲАДАСИ

Фарзандларимиз орасида турли соҳаларда янги иқтидор соҳибларининг кашф этилаётгани, мамлакат ижтимоий-иқтисодий ҳамда сиёсий ҳаётда навиқорон авлод вакиллари иштироки, фаоллиги сезиларли равишда ортаётгани бунинг натижасидир. Аммо бошқа бир томондан, ёшларимиз тарбиясида, одоб-ахло-

қда эмас, фарбона оdatу қарашларга қўйиш ва инти-лиш кўчаиб бораётганини инкор қила олмаймиз. Тўғри, интернет ва илгор технология-лар асрида болаларимизни ташқи оламдан ажратиб қўйиш мумкин эмас. Бироқ айни ҳолатлар амалокибат ёш-ларимизнинг турли туйнуқлар орқали кириб келишга урина-ётган маънавий-мафкуравий таҳдидлар таъсирини туши-риб қолшига, уларда жамияти-мизнинг инсонийлик ва ахлоқий ақидаларини менсима-маслик қўнқимаси, истеъмол-чилик кайфияти илдиз отиши-га сабаб бўлиши ҳам бор гап.

(Давоми 3-бетда).

Ўзбекистон Республикаси Президентининг ҚАРОРИ

ЎЗБЕКИСТОН ДАВЛАТ КОНСЕРВАТОРИЯСИ ФАОЛИЯТИНИ ЯНАДА РИВОЖЛАНТИРИШ ВА ТАКОМИЛЛАШТИРИШ ЧОРА-ТАДБИРЛАРИ ТЎҒРИСИДА

(Давоми. Бошланғич 1, 2-бетларда).

4. Ўзбекистон Республикаси Маданият вазирлиги: Ўзбекистон давлат консерваториясида ўқув бинолари етишмаганлиги сабабли ҳамда талабалар контингенти сезиларли даражада ортганини инобатга олиб, 2018/2019 ўқув йилидан бошлаб Тошкент шаҳар ҳокимлиги билан биргаликда бир ой муддатда Мирзо Улугбек туманидаги, Мустақиллик проспекти, 31-уйда жойлашган В. Успенский номидаги республика ихтисослаштирилган мусиқа академик лицейига тегишли бўлган бинони Ўзбекистон давлат консерваториясига ўрнатилган тартибда берилишини таъминласин;

этиш бўйича Ўзбекистон Республикаси Вазирлар Маҳкамасига тақлиф киритсин;
тўрт ой муддатда Ўзбекистон давлат консерваториясига абируриентларни ўқишга қабул қилиш бўйича ўтказиладиган касбий (ижодий) кириш имтиҳонлари тартибига ўзгаришлар киритиш юзасидан Ўзбекистон Республикаси Вазирлар Маҳкамасига тақлифлар киритсин;
2018 йилнинг 1 мартига қадар Ўзбекистон давлат консерваторияси муассислигида мусиқа санъати таълим-тарбияси бўйича "Мусиқа" илмий-услубий журнали фаолиятини ташкил этсин;
республикадаги энг яхши болалар мусиқа ва санъат мактаблари, маданият ва санъат коллежларида консерваториянинг таянч ижодий марказларини ташкил этсин ҳамда уларга консерваториянинг етакчи профессор-ўқитувчиларини юбориб, "Маҳорат мактаби" машғулотларини ўтказишни йўлга қўйсин;
ноёб ва мураккаб чолгу созларини янада пухта ўзлаштиришлари учун ҳар йили ёш ижрочилар ва техноген санъат турлари мутахассисларини хориждаги нуфузли мусиқа академиялари ва консерваторияларига келишув шартномалари асосида Маданият вазирлиги қoшидаги бюджетдан ташқари Маданият ва санъатни ривожлантириш жамғармаси маблағлари ҳисобидан қисқа муддатли (2-3 ойгача) ўқишга юборсин;
иктидорли ўқувчи ва талабаларнинг мамлакатимизда, хорижий давлатларда ўтказиб келинаётган нуфузли танлов, фестиваль ва илмий-ижодий конференцияларда Маданият вазирлиги қoшидаги бюджетдан ташқари Маданият ва санъатни ривожлантириш жамғармаси

маблағлари ҳисобидан мунтазам иштирок этишларини таъминласин.
5. Қўйидагилар Дастурни амалга оширишнинг молиявий манбалари этиб белгилансин:
Ўзбекистон Республикаси Молия вазирлиги ҳузуридаги бюджетдан ташқари Таълим ва тиббиёт муассасаларининг моддий-техника базасини ривожлантириш жамғармаси маблағлари — 2018-2019 йилларда Ўзбекистон давлат консерваторияси қoшида мусиқа соҳаси педагогларини қайта тайёрлаш ва малакасини ошириш маркази ва 400 ўринли ётоқхона биноларини қуриш ва жиҳозлаш қисмида;
Ўзбекистон Республикаси Ташқи иқтисодий фаолият миллий банкининг ташаббуси билан хайрия асосида ажратилган маблағлар — Тошкент шаҳар, Шайхонтохур тумани, Олмазор кўчаси, 1-уй манзилида жойлашган Ўзбекистон давлат консерваториясининг бино ва иншоотларининг моддий-техника базасини модернизация қилиш қисмида;
Ўзбекистон Республикаси Маданият вазирлиги ҳузуридаги бюджетдан ташқари Маданият ва санъатни ривожлантириш жамғармаси маблағлари — "Ноёб чолгулар давлат коллекцияси"ни, "Мусиқа" илмий-услубий журнали фаолиятини ташкил этиш, ёш ижрочилар ва техноген санъат турлари мутахассисларини хориждаги нуфузли мусиқа академиялари ва консерваторияларига ўқишга юбориш, иқтидорли ўқувчи ва талабаларнинг мамлакатимизда, хорижий давлатларда ўтказиб келинаётган нуфузли танлов, фестиваль ва илмий-ижодий конференцияларда иштирок этишларини таъминлаш қисмида;

юридик ва жисмоний шахсларнинг ҳоимийлик хайриялари, қонун ҳужжатларида тақдирланмаган бошқа маблағлар — бошқа тадбирларни бажариш қисмида.
6. Тошкент шаҳар ҳокимлиги Ўзбекистон давлат консерваториясида фаолият юритаётган оқори малакали ходимлар, жумладан, иқтидорли ёш мутахассислар учун муносиб турархўй шaroитларини яратиш мақсадида имтиёзли ипотека кредитлари асосида Тошкент шаҳрида қуриладиган кўп қаватли уйлардан уй-жойлар ажратилишини таъминласин.
7. Ўзбекистон Республикаси Вазирлар Маҳкамаси мазкур қарор ижросини таъминлаш бўйича Ҳукуматнинг тегишли қарорини қабул қилсин.
8. Ўзбекистон Республикаси Маданият вазирлиги Ўзбекистон Республикаси Адлия вазирлиги билан биргаликда бир ой муддатда қонун ҳужжатларига ушбу қарордан келиб чиқадиган ўзгаришлар ва қўшимчалар киритиш тўғрисида Ўзбекистон Республикаси Вазирлар Маҳкамасига тақлифлар киритсин.
9. Мазкур қарорнинг ижросини назорат қилиш Ўзбекистон Республикаси Бош вазири А. Арипов, Ўзбекистон Республикаси Президентининг Давлат-маслаҳатчилари Х. Султонов ва А. Юнусходжаев зиммасига юклансин.

Ўзбекистон Республикаси Президенти Ш. МИРЗИЕЁВ
Тошкент шаҳри, 2017 йил 8 август

ЎЗБЕКИСТОН РЕСПУБЛИКАСИ ПРЕЗИДЕНТИНИНГ «ЎЗБЕКИСТОН ДАВЛАТ КОНСЕРВАТОРИЯСИ ФАОЛИЯТИНИ ЯНАДА РИВОЖЛАНТИРИШ ВА ТАКОМИЛЛАШТИРИШ ЧОРА-ТАДБИРЛАРИ ТЎҒРИСИДА»ГИ ҚАРОРИГА ШАРҲ

Бугунги кунда мамлакатимизда маданият ва санъат соҳасини изчил ривожлантириш, жаҳон миқёсидаги ижодий таъриб ва тенденциялар, ютуқ ва натижаларни ҳар томонлама чуқур ўрганиш асосида маданият ва санъат муассасалари фаолиятини самарали йўлга қўйиш, уларнинг тармоғини кенгайтириш, моддий-техника базаси, кадрлар салоҳиятини мустаҳкамлаш масалаларига устувор аҳамият берилмоқда.
Ўзбекистон Республикаси Президенти Шавкат Мирзиёевнинг яқинда Ўзбекистон ижодкор зиёлилари вакиллари билан учрашувдаги маърузасида бу борадаги вазифалар янада аниқ-равшан белгиланиб, маданият, адабиёт ва санъат соҳасини ривожлантириш бўйича муҳим тақлиф ва ташаббуслар илгари сурилди. Уларнинг ижросини таъминлаш бўйича давлатимиз раҳбари томонидан бир қатор Фармон ва қарорлар қабул қилинмоқда.
Бу борада, айниқса, "Ўзбекистон давлат консерваторияси фаолиятини янада ривожлантириш ва такомиллаштириш чора-тадбирлари тўғрисида"ги қарор алоҳида аҳамиятга эга.
Қарорда халқимиз, хусусан, ёшларимизнинг дунёқараши, маънавий савияси ва эстетик тарбиясини юксалтиришда гоят муҳим ўрин ва аҳамиятга эга бўлган мусиқа санъатини ҳар

томонлама ривожлантириш, бой мусиқий меросимизни чуқур ўрганиш, ёш авлоднинг миллий ва жаҳон мусиқа санъатининг мутоза намуналарига муҳаббат руҳида тарбиялаш, соҳа учун оқори малакали кадрлар тайёрлаш тизимини янада такомиллаштириш мақсадида муҳим вазифалар белгиланди.
Президентимиз томонидан имзоланган ушбу муҳим ҳужжатга мувофиқ, Ўзбекистон давлат консерваторияси фаолиятини янада ривожлантириш ва такомиллаштиришга доир чора-тадбирлар дастури, мазкур билим юртининг янги таркибий тузилмаси, консерватория фаолиятини янада ривожлантириш ва такомиллаштиришга доир чора-тадбирлар дастурини амалга ошириш бўйича Республика комиссияси таркиби тасдиқланди.
Мазкур дастурда бугунги кунда маънавий ҳаётимиз учун муҳим аҳамиятга эга бўлган бир қанча масалаларга алоҳида эътибор қаратиш зарурлиги таъкидланган.
Жумладан, ёшларнинг маданий савиясини юксалтириш, уларни миллий ва умумбашарий маданиятнинг энг яхши намуналаридан баҳраманд этиш, маънавий етуқ, миллий гоя ва мафкурамизга садоқат билан хизмат қиладиган баркамол шахсларни тарбиялаш, ўзбек халқининг миллий мусиқий мероси негизда,

жаҳон мусиқа маданияти дурдоналаридан андоза олган ҳолда, мусиқа санъатини ривожлантириш, мусиқий таълим тизимини сифат жиҳатидан янада кўтариш бўйича аниқ чора-тадбирлар дастурда акс этиши лозимлигига ургу берилган.
Шунингдек, мулкий ёки идоравий бўйсунувдан қатъи назар, мусиқа санъати, мусиқа таълими йўналиши учун кадрлар тайёрлаш, норматив-ҳуқуқий ҳужжатлар лойиҳаларини ишлаб чиқиш ва уларни жорий этишда Ўзбекистон давлат консерваторияси методика ва ижодий томондан кўмаклашадиган таянч олий таълим муассасаси эканлиги алоҳида ургу берилган.
Ўзбекистон давлат консерваториясининг моддий-техника базасини янада мустаҳкамлаш, жумладан, концерт заллари, ўқув аудиториялари, махсус машғулот хоналарини таъмирлаш ва замон талаблари даражасида жиҳозлашга катта эътибор қаратилган.
Айни вақтда консерваторияда фаолият кўрсатаётган профессор-ўқитувчиларнинг педагогик маҳоратини янада ошириш, ўқув жараёни сифати ва савиясини тубдан яхшилаш, мусиқа санъати соҳасида ҳудуднинг етакчи олий таълим муассасалари, ижодий марказлар, танкичи композиторлар, мусиқачи ва ижрочилар билан ҳамкорликни йўлга қўйиш, жумла-

дан, хорижий мутахассисларни мамлакатимизга тақлиф этиш билан бир қаторда, республика миқёсида оқори натижаларга эришган мусиқачи ва педагогларнинг маҳорат дарсларини чет давлатларда тизимли ташкил этиш зарурлиги қайд этилган.
Ўзбекистон давлат консерваториясининг ёш педагог кадрларини моддий ва маънавий қўллаб-қувватлаш мақсадида улар учун зарур маиший шaroитлар яратиш, ипотека кредитлари асосида уй-жойлар билан таъминлаш бўйича аниқ чора-тадбирлар ишлаб чиқиш ва амалга ошириш масалалари ҳам дастурда ўз ифодасини топиши кераклиги белгиланган.
Ҳозирги вақтда Ўзбекистон давлат консерваториясида ўқув бинолари етишмаслиги, талабалар сонини сезиларли даражада кўпайгани таълим-тарбия жараёنларини оқори даражада ва сифатли олиб боришда муаммо тўғдирмоқда. Қарорда ана шу масалани самарали ҳал этиш чоралари белгиланган. Шу мақсадда мутасадди ташкилотларга 2018/2019 ўқув йилидан бошлаб Мирзо Улугбек тумани, Мустақиллик шоҳқўчаси, 31-уйда жойлашган В. Успенский номидаги республика ихтисослаштирилган мусиқа академик лицейига тегишли бўлган бинони Ўзбекистон давлат консерваториясига ўрнатилган тартибда бериш ҳамда Тошкент шаҳри, Бўхоро кўчаси,

10-уйда жойлашган бинони Ўзбекистон давлат консерваторияси тасарруфига ўтказиш ва ушбу бинода жаҳон андозаларига тўлиқ мос келадиган, академик жамоаларнинг бадий дастурлари намойиш этиладиган, жонли ижрога мўлжалланган замонавий концерт залини барпо этиш вазифаси топширилган.
Консерваториянинг маданий ҳаётимиздаги ўрни ва нуфузини ошириш мақсадида Ўзбекистон Республикаси маданият вазири бир вақтининг ўзида консерватория ректори вазифасини ҳам бажариши қарорда белгилаб берилган. Шу билан бирга, ўқитувчи ва талаба ёшларининг илмий салоҳиятини унумли фойдаланиш учун Ўзбекистон давлат консерваторияси муассислигида "Мусиқа" илмий-услубий журнали фаолиятини йўлга қўйиш вазифаси белгиланган.
Бир сўз билан айтганда, мазкур қарор Президентимиз томонидан миллий мусиқа санъатимиз ривожига кўрсатилган юксак эътиборнинг яна бир амалий намунаси бўлиб, у Ўзбекистон давлат консерваторияси фаолиятини тубдан такомиллаштириш, мусиқа санъати соҳасида оқори малакали кадрлар тайёрлаш даражасини сифат жиҳатидан янги босқичга кўтаришга қаратилгани билан гоят муҳим аҳамиятга эгадир.

Сиёсий партиялар: ЯНГИЧА ЁНДАШУВ ВА УСТУВОР ЙЎНАЛИШЛАР

Шу кунларда мамлакатимиз сиёсий партиялари марказий кенгашларининг навбатдаги пленумлари бўлиб ўтмоқда. Уларда давлатимиз раҳбарининг "Парламентимиз ҳақиқий демократия мактабига айланиши, ислохотларнинг ташаббускори ва асосий ижросини бўлиши керак" номли маърузасидан келиб чиққан ҳолда, партия айтиб-билдириш ва депутатлик бирлашмалари олдидан турган устувор вазифалар ва уларни амалга ошириш механизмлари белгилаб олинган.

ЖАРАЁН

Эътиборлиси, ушбу йиғилишлар тегишли партия фаоллари ва депутатлар учун жойлардаги ҳақиқий ҳолат юзасидан очик фикр алмашув ҳамда кун тартибидagi масалаларни чуқур ўрганиш, уларнинг ечим юзасидан ўз тақлиф-мулоҳазаларини баён этиш майдонига айланди.
Ўзбекистон Халқ демократик партияси марказий кенгашнинг пленумида партиянинг Олий Мажлиси Қонунчилик палатасидаги фракцияси, марказий кенгаши аъзолари, Қорақалпоғистон Республикаси, вилоятлар, Тошкент шаҳар, туман ва шаҳар кенгашлари раҳбарлари, партия фаоллари катнашди. Уни партия марказий кенгаши раиси Х. Кетмонов олиб борди.
Таъкидланганидек, фуқаролик жамиятининг муҳим институти — сиёсий партиялар қонун ижодкорлиги такомиллашуви ва қонунчилик талаблари бажарилишида фаолият кўрсатиши ҳаётий заруратдир. Бинобарин, улар фуқароларнинг қонуний манфаатларини рўйбга чиқариш, одамларни ўйлантираётган, қийнаётган муаммо ва масалаларни ҳал қилиш борасида ҳуқуқ ва ваколатларга эга. Бироқ электорат билдирган ишонччи оқлаш, парламент ва депутатлик назорати институти самарадорлигини ошириш каби ўта муҳим масалаларда партияларнинг "мудроқ"лиги Президентимиз томонидан танқид қилинган барчани янада ҳушёр бўлишга ундади.

роҳи котиблари лавозимлари жорий этилди. Ижрочи котиблар "Халқ билан мулоқот ва инсон манфаатлари йили" Давлат дастури ижросини таъминлаш бўйича маҳаллий Кенгашлар ҳамда партия гуруҳлари томонидан ишлаб чиқилган иш режаларининг ижросини мунтазам мониторинг қилиб боради.
Ўзбекистон "Миллий тикланиш" демократик партияси марказий кенгаши пленуми ҳам танқидий-таҳлилий руҳда бўлиб ўтди. Унда партия марказий кенгаши раиси С. Отамуратов ва бошқалар Президентимиз томонидан сиёсий партиялар фаолиятига нисбатан билдирилган қимматли фикрлардан зарур хулоса чиқарган ҳолда, партиянинг гоявий ва мафкуравий дастурларини такомиллаштириш, мамлакатимизда амалга оширилаётган ислохотларга партиянинг позициясини аниқлаштириш ва уни кенг жамоатчиликка етказиш чораларини кучайтириш лозимлигига ургу берилди.
Пленумда партия фракцияси ва депутатлик гуруҳларининг ижро ҳолатини идоралари фаолиятини устидан самарали парламент ва депутатлик назоратини ўрнатиш юзасидан янги тизим яратилганлиги маълум қилинди. Унга мувофиқ, марказда фракция, ҳудудларда партия гуруҳлари томонидан назорат қилинадиган давлат бошқаруви органлари доирасини аниқлаш, уларнинг ҳисоботи ва ахборотини тегишли фракция мажлисларида эшитиб бориш, камчиликларини аниқлаш ҳамда раҳбарларнинг ўз лавозимига нолайиқлиги юзасидан асосли маълумот ва тақлифлар киритиш масалалари қўриб чиқилди.
Шунингдек, халқ билан доимий мулоқотни амалга ошириш мақсадида жойларда сайёр қабуллар ўтказиш, партия вилоят кенгашлари раҳбарларининг туманларда, марказий кенгаш раҳбар-

МИЛЛИЙ КИНО САНЪАТИ РАВНАҚИДА МУҲИМ ҚАДАМ

(Давоми. Бошланғич 1-бетда).

Хусусан, миллий кинематография санъатини замон талаблари асосида ривожлантириш, ёш кино ижодкорларини қўллаб-қувватлаш мақсадида "Ўзбекино" Миллий агентлиги ҳузурида Миллий кинематографияни ривожлантириш жамғармаси ташкил этилади. Шу билан бирга, агентлик ҳузурида Қорақалпоғистон Республикаси ва вилоятларда таркибида кичик кино-студиялари ва замонавий форматдаги кинозаллари бўлган минтақавий маданий-кўнгилочар комплекслар бунёд этилади.
Бундан ташқари, қарорда кадрлар тайёрлаш, ёш истеъдодли ва истиқболли кино ижодкорлари малакасини ошириш, уларнинг етакчи хорижий таълим муассасаларида таҳсил олишига қаратилган вазифалар белгилангани ҳам соҳа ривожига муҳим қадам бўлади.
Шуни алоҳида таъкидлаш жоизки, мазкур қарор мазмун-моҳияти билан Ўзбекистон "Миллий тикланиш" демократик партиясининг дастурий мақсадлари ҳамда сайловолди дастурида белгиланган вазифаларга уйғун ва ҳамоҳангдир.
Жумладан, партияимиз сайловолди дастурида халқимиз маданияти ва санъати ютуқларини халқро майдонда кенг миқёсда тарғиб этиш, буюк аждоғларимизнинг фаолиятига бағишланган кино асарларини яратиш ва уларни дунё жамоатчилиги диққат-эътиборига етказиш, шунингдек, ёшларга маънавий ибрат бўладиган, ёш авлоднинг миллий гоя, жасорат ва матонат руҳида тарбиялашга хизмат қиладиган фаол замондошларимизнинг бадий образларини

яратиш каби долзарб вазифалар белгиланган.
Шундан келиб чиққан ҳолда, мазкур қарор партияимизнинг шу йўналишда вазифаларни амалга оширишида дастуриламал бўлиб, партияимиз фаоллари ва фракцияимиз аъзолари зиммасига ҳам катта масъулият юкляди.
Ишончимиз комилки, ушбу қарор келгусида ёшлар маънавиятини, тафаккури ва бадий дидини янада юксалтириш, уларни эзгу ишлар сари давлат этишда ҳар томонлама ибрат бўлишга арзигulik миллий ва замонавий қарамонлар сиймоси акс эттирилган асарларини яратишда муҳим аҳамият касб этади.
Қозим ТОЖИЕВ, Ўзбекистон «Миллий тикланиш» демократик партиясининг Олий Мажлиси Қонунчилик палатасидаги фракцияси аъзоси.

ИСТЕЪМОЛЧИЛИК КАЙФИЯТИ ИЛДИЗ ОТИШИГА ЙЎЛ ҚЎЙИБ БЎЛМАЙДИ

(Давоми. Бошланғич 1-бетда).

Ички дунёси бой, иродаси бақувват, имон-эътиқоди бутун, виждони уйғoқ авлодчи камолга етказмоқ учун, аввало, эрта-эрта эгаларини дастлабки қадамлариданоқ халқимизнинг маданий бойликларидан баҳраманд қилинмоғимиз лозим. Бу эса, биринчи галда, адабиёт, санъат ва маданият соҳалари, оммавий ахборот воситалари вакилларидагин чин маънода фидойиликни, масъулиятни талаб этади.
Президентимиз Ўзбекистон ижодкор зиёлилари вакиллари билан бўлиб ўтган учрашувда адабиёт ва санъатга, маданиятга эътибор — бу, аввало, халқимизга, келажакимизга эътибор эканини айтиб, "Ўз болангизнинг ўзинг асра!" деган даяват ҳар бир фуқаро қалбига кириб боришида ижод аҳлининг ўрни ва таъсири катта эканига ургу берди. "Агар "оммавий маданият" таъдиди фақат четдан — Фарб-

дан кириб келсади, десак, қаттиқ адашамиз. Бу бало, афсуски, ўзимиздан, ўз ораимиздан ҳам чиқиши мумкин", дея давлатимиз раҳбари юртимизда наур этилаётган айрим газета-журналлар, китобларни, суратга олинган баъзи клип ва киноларни, эфирда берилган кўп қанча ва рақсонли кузатган соғлом фикрли инсон ана шундай хулосага келиши табиийлигини қайд этди.
Ростдан ҳам, ҳозирги кунда бадий ижод соҳасида маънавий-фатсизлик, бошқача айтганда, жалолат кўринишлари, кишини ташвишга соладиган салбий тенденциялар мавжуд. Буларнинг объектив ва субъектив сабаблари кўп, албатта. Лекин ижод аҳли орасида ўз иқтидор ва салоҳиятини одамларга маънавий, эстетик озуқа бериш, дурдона асарларни устидан ишлашга йўналтирмай, балки фақат иқтисодий фойда ортидан қувиб, ижодкор шайнинг, гурурини, санъатга садоқатини унутатганлар учраётгани таассуфланарлидир. Президентимиз масаланинг ушбу жиҳатида тўхталар экан, "Ўзбекистонда адабиёт ва санъат, маданият, оммавий ахборот воситалари, маънавий ва маърифат бизнесига айланмаслиги шарт ва биз бунга ҳеч қачон йўл қўймаймиз", деб алоҳида таъкидлади. Мазкур соҳаларда юзага келган жиддий муаммо ва камчиликларни бар тараф этишининг самарадор амалий ечимларини кўрсатиб ўтди.
Шак-шубҳасиз, адабиёт ва санъат, маданият соҳаларидаги ахволи тубдан яхшилаш билан боғлиқ аниқ мақсадли бу вазифаларнинг рўйбга чиқарилиши нанки юртимиз ижодкорларини янада изланишга рағбатлантиради, балки жамиятнинг маънавий юксалишига, айниқса, ёш авлоднинг миллий гуруру ва қадриятларимизга ҳурмат руҳида тарбияланишига замин яратди.
Сайёра АБДИКАРИМОВА, Олий Мажлиси Сенати аъзоси.

Фарида МАҲКАМОВА, «Халқ сўзи» мухбири.

Спорт

Филиппинда бокс бўйича ўсмирлар ўртасида ўтказилган Осиё чемпионатида Ўзбекистон терма жамоаси аъзолари учтадан олтин ва кумуш ҳамда тўртта бронза медални қўлга киритиб, мусобақани умумжамоа ҳисобида иккинчи ўринда якунлади.

Ёш боксчиларимиз муваффақияти



Ўн саккиз мамлакат вакиллари совринли ўринлар учун баҳслашган қўтба биринчилигида ҳамюртларимиз Жавлонбек Юлдашев, Нурислон Исмоилов ва Шоҳруҳ Алматов ўз вазн тоифасида голибликка эришди. Асадхўжа Мўйдинхўжаев, Раҳматулло Тошпўлатов ва Асадбек Жуманиёзов финалда рақибларига имкониятни бой бериб қўйди. Умидли спортчиларимиз Мухаммадмусо Абдурахмонов, Руслан Абдуллаев, Шерзод Кодирбоев ва Камронбек Раҳмонов бронза медаллар билан тақдирланди.

Бир кумуш, икки бронза

Финляндияда спорт курашлари бўйича ёшлар ўртасида бўлиб ўтган жаҳон чемпионатида ҳам Ўзбекистон вакиллари совриндорлар сафидан жой олди.



Нуфузли мусобақанинг эркин кураш беллашуварларида Иса Шапиев кумуш медалга сазовор бўлди. Юнон-рум кураши бўйича ташкил этилган баҳсларда эса Илҳом Бахронов ва Тўрабек Тиркашев кучли учликдан ўрин эгаллади.

Ғолиблар аниқланди

Нукусда гандбол бўйича ўсмирлар ўртасида Ўзбекистон чемпионатининг финал босқичи ўтказилди.

Унда Қорақалпоғистон Республикаси, вилоятлари ва Тошкент шаҳри жамоалари ўзаро беллашди. Қизқарли курашларга бой бўлган баҳслар якунида голиблик қорақалпоғистонлик спортчиларга насиб қилди. Кейинги ўринларни Андижон, Фарғона ва Сирдарё вилоятлари жамоалари банд этди.

Маълумот ўрнида айтиб ўтамиз, ғолиб жамоа келгуси йили Россияда ўтказиладиган халқаро турнирда юртимиз шарафини ҳимоя қилади.

Фоталидин АБИЛОВ.



Ушбу лойиҳа рўёби учун 11,8 миллиард сўмлик маблағ йўналтирилди. Бу ерда ёшларнинг бўш вақтини мазмунли ўтказиш, касб-хунар сирларини пухта эгаллашлари учун барча шароит яратилган. Шунингдек, мазкур марказда хорижий тиллар ва замонавий ахборот технологияларини ўрганиш, расмийлик, мусиқа, ёш тадбиркорлар, имконияти чекланганлар билан ишлаш тўғрисида фаолият бошланди. 240 ўринга мўлжалланган зал турли маданий-маърифий тадбирларни ўтказиш имконини беради.

— Масканимизда бир вақтнинг ўзида 1000 нафарга яқин ёшлар ўзлари қизиққан йўналишлар бўйича шуғулланишлари мумкин, — дейди Ўзбекистон ёшлар иттифоқи Хоразм вилояти кенгаши раиси Мансурбек Машарипов. — Ўн бир йиллик таълим тизимига

Келажак ворислари учун муносиб туҳфа

Урганч шаҳрида "Ёшлар маркази" ва ёш оилалар учун кўп қаватли тураржой биноси фойдаланишга топширилди. Бу мустақиллигимизнинг йигирма олти йиллиги арафасида худуд ёшлари учун ўзига хос байрам туҳфаси бўлди.

ҒАМХЎРЛИК

Ўтилиши муносабати билан Хазорасп педагогика касб-хунар коллежининг бўш қолган биносида ҳам "Ёшлар маркази" ташкил қилинди. Келгусида бундай марказларни барча шаҳар ва туманларда барпо этиш режалаштирилган.

Давлатимиз раҳбари Ўзбекистон ёшлар иттифоқининг таъсис қурултойида ёш оилаларни ижтимоий қўллаб-қувватлаш масаласига алоҳида тўхталиб, худудларда "Ёшлар уйлари"ни барпо этиш борасида аниқ кўрсатмалар берганди. Президентимиз топшириқлари асосида қисқа фурсатда Урганч шаҳрида қурилиб, фойдаланишга топширилган "Ёшлар уйи" 32 та оила аъзолари учун муносиб совға бўлди.

— Бугун янги хонадонга кўчиб ўтдик, — дейди қаратё бўйича Осиё чемпиони, спорт устаси Сулаймон Юсупов. — Барча

кулайлик муҳайё. Айниқса, тураржойнинг имтиёзли ипотека кредити асосида 20 йилга, бошланғич бадалсиз берилиши жуда катта имкониятдир. Президентимизнинг биз, ёшларга кўрсатилган бундай эътибори ва ғамхўрлиги халқаро мусобақалардаги муносиб ютуқларимиз билан жавоб берамиз.

Тадбирлар дастури доирасида Ўзбекистон Республикаси Президентининг ёшлар сиёсати масалалари бўйича Давлат маслаҳатчиси — Ўзбекистон ёшлар иттифоқи Марказий Кенгаши раиси Қ. Қуронбоев Хонқа туманидаги "Васисёз қахрамон" фермер хўжалигида вилоятнинг ёш тадбиркор ва фермерлари билан очик мулоқот ўтказди. Учрашувда ўз бизнесини йўлга қўяётган ёшларни ўйлантираётган баъзи муаммоларга ечим топилиб, уларнинг интилишлари қўллаб-қув-



ватланди. "Менинг бизнес ғоям" танлови ғолиби Чинчиношша Султонбоевага имконияти чекланган ёшларни иш билан таъминлашга қаратилган лойиҳаси учун Ёшлар иттифоқи томонидан 5 дона тикув машинаси совға қилинди. "Ёшлик" спорт мажмуасида "Ёшлар" "Камалак" билан лойиҳаси ғолибларини тақдирлаш маросими ҳам бўлиб ўтди.

Давлат ва жамоат ташкилотлари, Ўзбекистон ёшлар иттифоқининг вилоятлардан

ташриф буюрган фаоллари, кенг жамоатчилик вакиллари "Темурбеклар мактаби" ҳарбий-юримлик лицейи, "GM-Uzbekistan" қўшма корхонасининг Хоразм филиалида ҳам бўлиб, навқирон авлод вакиллари учун яратилган шарт-шароитлар, бошланғич ташкилотлар фаолияти билан яқиндан танишди.

Тадбирларда Хоразм вилояти ҳокими П. Бобоқонов иштирок этди.

Одилбек АДАМБАЕВ, «Халқ сўзи» мухбири.

КУЛАЙЛИК

Вобкент туманида яшовчи, табиий газ тармоғига уланмаган аҳолининг ташвиши енгиллашди. Бу ерда "Фарбгазтаъминот" худудлараро унитар корхонасига қарашли шохобча қурилиб, фойдаланишга топширилди.

Оворагарчиликларга ҳолат қолмади

Компрессор станцияси, баллонларни султирилган газ билан тўлдириш цехидан иборат мазкур объектни барпо этиш учун 5,5 миллиард сўм сарфланди. Натижада 11 иш ўрни ҳам яратилди. Эътиборлиси, султирилган газ тўлдириш пункти нафакат Вобкент, Балки Шифорон ва Ғиждувон туманларида истиқомат қилувчи, табиий газ тармоқларига уланмаган жами 35 мингга истеъмолчининг маъшиий эҳтиёжини қондиради.

Ўтган йилда Қорақўл ҳамда Ромитан туманларида ҳам худуд шундай пунктлар қурилиб, ишга туширилган эди.

Истам ИБРОҲИМОВ, «Халқ сўзи» мухбири.



ASIA ALLIANCE BANK

Хозирги глобаллашув шароитида жаҳон иқтисодийётининг ўзгарувчан конъюнктураси чуқур таҳлил қилинган ҳолда, мамлакатимизни барқарор ривожлантириш бўйича янги дастурлар ҳаётга изчил таътиб этилаётди. Айниқса, давлатимиз раҳбари ташаббуси билан қабул қилинган 2017 — 2021 йилларда Ўзбекистон Республикасини ривожлантиришнинг бешта устувор йўналиши бўйича Ҳаракатлар стратегияси яқин беш йилда жадал тараққиётимизни таъминлашга қаратилган муҳим дастуриламал ҳужжат бўлди. Мазкур стратегия ижтимоий-иқтисодий ҳаётимизнинг барча жабҳасини қамраб олгани, ушбу муддатда баҳарлилиши лозим бўлган чора-тадбирлар аниқ белгилаб берилгани билан аҳамиятлидир.

ИЛҒОР ТЕХНОЛОГИЯ ВА ЮҚОРИ МАЛАКА

мижозлар ишончини оқлаш, ютуқларга эришишнинг бош омилidir

Ҳужжатнинг Халқ билан мулоқот ва инсон манфаатлари йилидаги ижроси доирасида иқтисодийётнинг муҳим тармоғи ҳисобланган молия-банк тизимини ислоҳ қилиш юзасидан кенг қўллаб-қувватлаш кўрилувчи. Натижада тижорат банкларининг юртимизда рўй бераётган ўзгаришлардаги иштироки фаоллашиб, иқтисодийётни таркибий ўзгаришда молиявий воситачи сифатидаги роли ортмоқда.

Тизимдаги ўзгаришларни банк ва миқоз ўртасидаги масофа тобора қисқариб, аҳолининг тадбиркорликни йўлга қўйиш, бизнес фаолиятини кенгайтириш учун кредитлар олиш имкониятлари ортгани мисолида яққол кўриш мумкин. Хусусан, молиявий хизматлар бозорига мустақам ўрин эгаллаётган "ASIA ALLIANCE BANK" акциядорлик тижорат банки янги хизмат турларини жорий этиш орқали ишбилармонларнинг яқин ва ишончли ҳамкорига айланмоқда.

Юқори малака, барқарор фаолият, янги технологияларни мунтазам жорий этиш, халқаро ҳамкорлар билан алоқаларни кенгайтириш, энг асосийси, миқозлар ишончини қозониш банк муваффақиятини кенгайтириш ҳисобланади. Ана шу тамойиллар мазкур молия муассасаси фаолиятининг бош мезонига айлангани тўғрисида кўп қилган қирғиларга ишқилиб қўйилган. 2017 йилнинг 1 июль ҳолатига кўра, банк соф активлари ҳажми 1 246 миллиард сўмни ташкил қилгани, корпоратив миқозлар сони 5,2 мингга етгани, учинчи чоракни эса 133,9 минг нафар жисмоний шахсга хизмат кўрсатиш билан бошлагани бунга асос бўла олади.

Шу даврда кредит қўйил-

малари ҳажми ҳам ортиб, 846,1 миллиард сўмни ташкил этди. Унинг асосий қисми саноат, транспорт ва коммуникация, савдо, умумий овқатланиш каби иқтисодийётнинг етакчи тармоқлари ривожига йўналтирилди.

Таъкидлаш кераки, "ASIA ALLIANCE BANK" билан халқаро молия институтлари ва хорижий банклар ўртасида яқин алоқа ўрнатилган. Бунинг самараси ўлароқ, хусусий тадбиркорлик субъектларининг умумий қиймати 8 миллион АҚШ долларлик узоқ муддатга мўлжалланган лойиҳаларига Хусусий секторни ривожлантириш бўйича Ислох корпорациясининг кредит линияси ҳисобидан сармоялар ажратилди. Молия муассасалари ўртасида имзоланган битимга кўра, ушбу линия орқали жорий йил охиригача кичик бизнес вакиллари-нинг яна 12 миллион долларлик лойиҳалари молиялаштирилиши мўлжалланган.

Бундан ташқари, юртимиз тадбиркорларига Германиянинг "Commerzbank AG" ва "Landesbank Baden-Wuerttemberg" банклари таъкидлаган кредит линиялари ҳисобидан "Euler Hermes" экспорт кредит агентлиги ҳомийлигида 11 миллион евролик инвестициялар берилади. Бу эса импорт ўринини босувчи маҳсулотлар ишлаб чиқариш ҳажминини кўпайтириш, экспорт салоҳиятини оширишда рағбатлантирувчи омил бўлмоқда.

Банкнинг халқаро молия бозоридagi нуфузи ортиб бораётгани ушбу йўналишдаги ишларни янги босқичга олиб чиқишда кўл келмоқда. Бинобарин, "ASIA ALLIANCE BANK" икки марта Германиянинг "Commerzbank AG" банкнинг "Аъло даражадаги ўзаро ҳам-



корлик учун" мукофотига сазовор бўлган. 2016 йилда "Global Finance" халқаро наشري версияси бўйича савдони молиялаштириш соҳасида Ўзбекистоннинг энг яхши банки, 2014, 2015 ва 2016 йилларда эса "Осиё-Тинч океани минтабагининг ривожланаётган бозорларидаги жаҳоннинг энг яхши банклари" номинацияларида голибликни қўлга киритган.

Бу ҳали ҳаммаси эмас. Мазкур молия муассасаси ўтган йили "Euromoney" халқаро молиявий журналнинг "Энг яхши кўрсаткичлари учун" ("Awards for Excellence — 2016") мукофотига лойиқ кўрилди ҳамда Ўзбекистоннинг 2016 йилдаги энг яхши банки, деб тан олинди. 2016 йил декабрида "The Banker" нуфузли халқаро наشري томонидан ўтказиладиган "Йил банки" мукофотини топшириш маросимида "ASIA ALLIANCE BANK" АТБ "Ўзбекистонда

2016 йил банки" номига сазовор бўлди.

Банк фаолиятида барқарор молиявий кўрсаткичлар сақланиб, кредит хатарларида берилувчанлиги пасайиб бораётгани, филиаллари тармоғи кенгайиб, хизмат кўрсатиш сифати мунтазам яхшиланаётгани миллий ва хорижий рейтинг агентликлари томонидан юксак эътироф этилмоқда.

Ғап шундаки, ўтган йили "Ahor-Reyting" рейтинг агентлиги томонидан банкнинг индивидуал кредит рейтингини "uz" миллий шкаласи бўйича "Барқарор" прогнози билан таъкидланган бўлса, "Moody's Investors Service" халқаро рейтинг агентлиги томонидан эса банкнинг молиявий барқарорлик бўйича мустақил рейтингини "Барқарор" прогнози билан В3 дан В2 га кўтарилгани диққатга сазовордир.

"ASIA ALLIANCE BANK"

жамоаси "Халқ билан мулоқот ва инсон манфаатлари йили" Давлат дастури ижросини таъминлаш, айниқса, аҳолини тадбиркорлик фаолиятига кенг жалб этиш бўйича амалий чоралар кўрмоқда. Ўз навбатида, ишбилармонлар томонидан тақдирлаш маросими ҳолатида амалиётга таътиб қилиш борасида зарур тавсия

14 минг дона "Uzkart" тизимидаги пластик картонкани муомалага чиқарди. Бу даврда ўрнатилган савдо терминаторлик фаолиятига кенг жалб этиш бўйича амалий чоралар кўрмоқда. Ўз навбатида, ишбилармонлар томонидан тақдирлаш маросими ҳолатида амалиётга таътиб қилиш борасида зарур тавсия

Нақд пулсиз ҳисоб-китоб тизимини такомиллаштиришга қаратилган бундай саъй-ҳаракатлар миқозларга вақтни тежаш, хавфсизликни таъминлаш каби кулайликларни туҳфа қилаёпти. Шу боис пластик картонка ва бошқа янги хизматлардан фойдаланувчилар сони тобора кўпаймоқда. Мисол учун, 200 дан ортик хизмат кўрсатувчисига эга бўлган "Click" тизимига 1 миллиондан зиёд киши уланган. Бинобарин, "Ўзбекистон ҳаво йўллари" Миллий авиакомпанияси билан ҳамкорликда авиачипталарни интернет орқали сотиш лойиҳаси ҳам муваффақиятли амалга ошириляпти. Унинг аҳамиятли томони шундаки, чипта сотиб олишга атиги 10 дақиқа кифоя қилади. Бунинг учун "SMS-хабар" хизмати ёқилган бўлса, бас.

Бугунги шиддаткор замон билан ҳамнафас ишлаш, миқозларга қўшимча кулайликлар яратиш мақсадида банк томонидан янгиланиб турган хизматлар мажмуи тақдир этиб келинмоқда. Масалан, хозирги вақтда савдо-хизмат корхоналари учун "Indoor тўловлар" хизмати жорий этилган. У савдо шохобчаларига банкдан тўлов терминали олмадан ҳам пластик картонкалардан тегушли тўловни қабул қилиш имконини беради. Ушбу янгиланиш қўллаш доирасида савдо шохобчаларига бир хил функцияларни бажара оладиган ва яна қатор афзалликларга эга виртуал терминал очилади. Тўлов жараёнининг ўзига бир неча сония вақт керак, холос. Миқоздан эса қўшимча харажат талаб этилмайди.

Юқори малакали ва тезкор банк хизматлари кўрсатиши бош мақсоди сифатида белгилаган "ASIA ALLIANCE BANK" жамоаси келгусида ҳам янги ишланма ва технологияларни ҳаётга кенг жорий қилиш бўйича амалий саъй-ҳаракатларни изчил давом эттираверади. Зеро, миқозлар фар доим, ҳамма жойда сифатли хизматдан фойдаланишга ҳақли.

Банк матбуот хизмати. Хизматлар лицензияланган.

Халқ сўзи
Народное слово

МУАССИСЛАР:
Ўзбекистон Республикаси Олий Мажлиси Қонунчилик палатаси Кенгаши, Ўзбекистон Республикаси Олий Мажлиси Сенати Кенгаши ва Ўзбекистон Республикаси Вазирлар Маҳкамаси

Бош муҳаррир Ўткир РАҲМАТОВ

2008 йил 15 январда Ўзбекистон Матбуот ва ахборот агентлигида 0001-рақам билан руйхатга олинган. Нашр индекси — 229. Бюджетга Г — 845, 79 848 нуҳсада босилди, ҳажми — 2 табоқ. Офсет усулида босилган. Қоғоз бичими А—2. Баҳоəsi келишилган нарҳда.

Газетанинг ҳақиқий маълумотларини қўшиб олиш учун ОН-қўлини телефонингизни орқали сканер қилинг.

ТЕЛЕФОНЛАР:
Девонхона (0-371) 233-52-55;
Котибият (0-371) 233-10-28; Эълонлар (0-371) 232-11-15.

ISSN 2010-8794

Таҳриратта келган маълумотлар таътиб қилинмайди ва муаллифга қайтарилмайдди. Режамат материаллари учун таҳрират жавобгар эмас.

Газетанинг эътиб берилгани учун обунани расмийлаштиришга ташкилот жавобгар.

Газета таҳрират компьютер марказида туралди ҳамда оператор Ж. Тоғас томонидан саҳифаланди.

Газетанинг полиграфия хизматлари сифатини таътиб қилишнинг "Шарқ" шариёт-матбаа вакилдорлик компанияси масъул. Босмақон телефон: (0-371) 233-11-07.

«Шарқ» шариёт-матбаа акциядорлик компанияси босмақонаси. Корхона манзили: «Буюқ Турон» кўчаси, 41. ЎзА якуни — 22.25 Топширилди — 23.55 1 2 3 4 5 6.

• **МАНЗИЛИМИЗ:**
100000,
Тошкент шаҳри,
Матбуотчилар кўчаси, 32-уй.

Навбатчи муҳаррир — Ф. Бўтаев.
Навбатчи — Д. Солиқов.
Мусаҳҳах — С. Исмолов.